

大清光緒廿五年

本館新開除禮拜外日出一張
本館外埠均可函致本館取
閱如外埠閱報加寄費不
閱除日本從英德法各國
惜工本從英德法各國
刊印各書單件並有英各
體活字及各式花邊等延
西人排印工藝甚精所有
印字大小機器均用精工刊

第五千三百五十五號

申報

（本館開設在舊巴口門牌第七號）

印工絕倫並延有文士書
寫各體文字現由上海購
各種書籍出售其書目另
刊佈所有各項原稿其有
世道人心者附登否亦須
成文以及後支離費解者
登錄更須寫明君來札向
自諒原稿收回也本館謹
已亥七月十六日

大英一千八百九十九年八月十一號（禮拜一） 仙查字每日自白告偶五張每售廉面壹月每

招僱花傭 ○啓者茲有人託覓花傭一名其人須熟悉種植花木等事方能合用又欲僱用園丁一名以上兩人均須不吸洋烟者方合如有欲承斯乏者請至本館面商可也此佈 本館謹白

添請採訪人告白 ○啓者本館近擬添請採訪人一名其人須熟悉本坡各事宜及通方言并須畧諳華文方能合用 諸君願承斯乏請至本館面商可也 本館謹啟

本館告白 ○啓者本報向於每日早晨分送本坡 各寶號有賜閱本報者如有漏送之處懇即前來通知或惠函 示知俾得補呈是幸 本館謹啟

論日本伊藤侯來華事

上海滬報云近日傳說日本伊藤侯將有來華之事本館因得京師來電知之最先既而譯上海字林西報暨東京日日新聞則均有其事且東京日日新聞又爲伊侯門人前農商務大臣伊東已代治君所撰則此說必非虛妄中國有志之士一聞此信無不延頸企望歡欣鼓舞以爲中國將有任用客卿一意維新之事余聞是言望其來而又懼其不果來尤冀其爲應 召而來而不欲其非爲應 召而來乃密詢之於東方有識諸君子而思有以決其疑焉則有謂實無其事者有謂或重來遊歷而必非應 召者有謂伊侯此來或者爲彼信任之人外務省書記官橋原陳政所說者蓋因橋原於三月間曾來中國偏干政府而去故及今而有是舉衆說紛紜如莫衷一是以至前疑未決而滋惑益深如謂實無其事則東京日日新聞爲伊侯門人所撰何以忽有是言而僥惑中外之觀聽也如謂重來遊歷而必非應 召則伊侯去歲遊華歸國未久且聞近在東京常備日皇顧問非能輕離左右之人今又無事而來遊歷亦不切於情勢如謂爲橋原所說則橋原三月間至北京之時我政府諸人多有不願與往還者彼固快快而返此時亦何所見而說伊侯來也雖然茲事之所係者大如其驟莫能明則惟有俟諸異日然余嘗反覆推求於伊侯前後之事亦略得其大較而有說焉溯夫明治三十年春伊侯方代松方正義爲首相國人因前此中東之役日本爲俄德法三國脅遣遼東威咎伊侯於是是大隈之進步黨與板垣之自由黨合而並攻藩閥伊侯乃去位大隈代之板垣遂爲內務大臣既而進步自由兩黨出身之人因互爭其政權相背而馳各欲合於伊侯伊侯素惡黨人之牽制而恐未有以應付之也乃避而來遊中國未幾兩黨俱罷大隈亦去位於是不得已而以帝國黨領袖山縣代之及伊侯由華歸進步自由帝國之黨咸派人迎之於長崎而欲相與聯合伊侯不能爲左右袒乃止於馬關盤桓而不放進後稍稍乃歸東京焉及歸東京後一日偶與大隈同照一小像於大磯國人乃譁然曰伊侯爲進步黨矣俄而亦與板垣同照一小像於宇都宮其婿末松男爵又入自由黨爲總務員國人於是疑侯爲自由黨邇來聲名復振日皇遇之亦厚事無大小悉以咨之然後施行近聞十月將開議會伊侯且有再任政府之說矣是以東人嘗言伊侯之爲人英鷲而狡猾凡事遇有疑難之時彼必託故而去必俟他人爲之而不得當思念其來然後復位所謂將欲取之必固與之此是其故智今觀於伊侯之近事而益信其不誣也則安知今日之所謂來華者非猶前之以退爲進而有所待耶抑果別有不欲預聞之事耶至謂此來將有輔助中國維新之事此說最爲吾人所樂聞所可慮者則伊侯固今日決主瓜分中國之人耳吾聞伊侯去歲遊華返國告於人曰初余之至支那也以爲湖廣總督南皮張公爲中朝第一偉人及政變後往見之則所見不逮所聞大爲缺望於以知支那雖大實無一人余是以決主瓜分之說乃今日而翻然改圖是必有故或者見我 朝廷新有發奮之機我中國尙有人才可用未可知也昔者秦用由余而霸吳用巫臣而強前事非遙見於今日此則天下之人所深望者也


諭旨恭錄 ○六月二十四日奉 上諭本日引見延茂保送請旨錄用之已革奉天鐵嶺縣陳士芸著勒令休致欽此 ○二十六日奉 硃筆郭曾亨補授光祿寺卿欽此

俄電續登 ○本坡實得力太晤士西報接十三日英京來電云昨電所言大連灣通商之事在俄皇之言不過謂俟西卑里亞鐵路告成之後即將其地開口通商非謂現今即以闢爲口岸也然則遼聽風聲者能不容勞一場歡喜也哉

名 鐵 厨 發 售



嘗思養生之道所最要者則惟飲食然必須有以善其始無意外此本行鐵厨所以為 諸翁之所共賞也啟者本行所賣之鐵厨久已馳名於東方一帶而於叻坡則聲名尤著至本行所賣此等鐵厨已有三十年之久其製甚為堅固保能避火且其鑰匙甚妙斷非盜賊等所能開計其厨全身均用鐵製成並無雜以木料且諸厨自前至今均為一式堅固並用有優劣之分至於各厨大小不一而價值則約一百元至四百元凡用之者可保其不礙



焚燒即火災亦無所損本行之鐵厨實為叻坡諸華商所喜購而本行每年所沽亦殊不鮮茲特為之錄佈倘諸君有惠顧者祈即玉售
大英一千八百九十八年正月一號
大清光緒二十三年十二月十八日

明嗎也洋行謹啟

三 品 出 售



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號
明嗎也洋行謹啟

烏 蜜 酒 發 賣



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏蜜酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈
大英一千八百九十八年正月一號
光緒廿三年十二月十八日

蜂 窠 標 萬 蘭 池 酒 發 客



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸
大英一千八百九十八年正月一號
光緒廿三年十二月十八日

新 到 美 國 椅 發 售


啟者本館新到花旗椅五十羅申價甚相宜計分數等每羅申價由十三元至二十五元 諸君有欲採辦者祈到本館觀看可也
大英一千八百九十八年正月一號
巴越館主啟

密 酒 出 賣



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞
大英一千八百九十八年正月一號
光緒廿三年十二月十八日

明嗎也洋行謹啟



承頂聲明 ○啓者小坡日本街口門牌第五百五十七號泰安堂藥材生理前本係藍瑞軒開創續因瑞軒志圖別業將該號全盤拍與何善安兄弟承頂於本三月初五日既登天南新報聲明後因善安兄弟不欲承受仍將該號全盤交還與瑞軒自理於本三月初九日又登天南報聲明今因藍瑞軒無意此途協同何善安復將該號店底所有器具貨物全行拍與陳小山劉銘初二人承頂將字號易為大和堂至從前泰安堂之藍瑞軒何善安如有欠諸寶號以及揭借滙兌等情限至一禮拜內可到泰安堂向瑞軒善安領取過期自誤不干承頂人陳小山劉銘初二人之事特此聲明以免後論 光緒廿五年七月十二日 承頂人陳小山劉銘初同告白

和緩再生 ○儒醫陳紫波先生今之盧扁也品端學粹技擅岐黃客歲貴於叻中寄寓十八間後裕和布店人素仰其醫術多求診治活人甚眾今春家慈偶患癰病失於調治即變奔豚漸而反胃噎膈寒厥諸壞病次第而見中西名醫盡皆束手舉室徬徨嗣聞友人談及先生醫學精純究心靈素久探石室蘭臺之秘而治病尤得長沙心法非承家技襲方書者所能望其肩背余聞是說即求診治而先生論病如見刀圭數劑即獲奇功今已得慶霍然真占勿藥信乎先生之技可謂照澈洞垣矣且先生醫品甚端其治病也并不向人苛求惟以博施濟衆為志仁人利溥 先生有焉蓋先生固儒而醫者故非尋常可比也余承 大德報答無從爰畧其醫治家慈一事附錄報中俾求醫者知所趨向而已若云為報則固非先生之志抑亦豈余之志也哉 光緒廿五年七月初九日 十八溪墩萬成順號沈雲石敬頌

輪船往納閩及飛獵邊等處 ○啟者茲本行有輪船一艘名曰勝迷定於西本月廿五號即華七月二十日抵叻上落客貨訖即展輪往納閩 仙那港 蘇祿 三寶眼 怡勞怡勞 宿務及岷城等處 諸君有欲附貨搭客者請至本行面商便安特此佈聞 光緒廿五年七月初十日 明嗎也洋行謹啓

嗎也火船開行日期 ○啟者本號茲有新造輪船一艘名曰嗎也堪載萬餘担堅固快捷茲常行定期每逢禮拜二動輪前往文島巨港等埠倘 諸商有欲配貨及搭客者請到利亞美刺實得力門牌第九號即法國西廊郵船公司對面本號相酌便安并有一號二號房位格外潔淨及有大艙位廣闊伙食茶水公司俱足價甚相宜特此佈 聞 光緒二十五年七月初七日 福盛號謹啓

園地招批 ○啟者茲有園坵一所大計百餘畝坐落武吉智馬路傍距坡有二英里之遙園內種有椰樹及榴連望吃諸菓并有地畝可種菜蔬及小屋多間可收稅項其地用以種蔗甚屬合宜又地段一區坐落柑仔園內大有六十餘畝希葛地內種有菓木甚繁并有餘地可資種菜又地一區坐落淡申路大水池直上菜市之流水坑地方大有六十餘畝希葛此地已畧栽菓木復經人於此種蔗及菜蔬等物茲該業主欲將各地招人承批或以一年為期或以二三年為期均從其便 諸君有欲承批此地者祈至本館面商一切可也 大清光緒二十五年六月十三日 本館代啟

金雞鐵樹補功藥酒

請認此標為記



啟者此藥酒由德國 皇家大醫生專心博考知有金雞鐵樹產自德國壽如松柏之年採其精華配提神益氣靈芝釀造而成昔年曾經呈送美英國法國奧國俄國及天下諸大邦統計由各國皇家大醫士三百餘名考驗獎賜手書共三百餘紙純係稱贊此酒之功治男男女女氣弱血虧精神困倦筋骨痠痛不思飲食胃口呆滯頭眩眼花心驚恍惚夜不成寐腎虧失調小便淋瀝如飯湯等症長寒發冷瘧症以及婦科月經失調或臨經腹痛病人愈後欠補有疾無疾皆可酌量而飲大能益精補髓更能治陽痿難舉之疾婦人飲之能令溫和子宮養顏肥體永無疾病相侵本局開創經三十餘載歷來不惜資本盡心製煉藥水藥油藥酒丹膏丸散屢試屢驗而德君醫生保赤存心無論內外新奇難症請臨診視藥到病除貧者不過索回藥費概免謝儀倘蒙惠顧祈到本藥房選沽自當格外從廉此佈 光緒貳拾伍年七月初四日 新嘉坡土庫街德國神農大藥房謹啟

白告司公士蘭施

啟者茲本公司已在本坡設創分行其行設在土庫花園邊展芝里巷即義勃憐佛洋行傍之巷內第八零二號門牌而總公司則設在法國巴黎都城施知勞宜文街另有分行在於英京德京奧京及美之紐約等處至本公司所為生理係以布 綢 鞋 布 傘 綢 傘 紙料及一切新奇器物等為大宗而各該埠合銷貨物亦無不為之採辦出沽且本公司所為生理甚屬公平倘殷商巨賈向本公司賜顧而欲賒取貨物者本公司亦無不樂從至欲向本公司託辦諸貨者可到本行面商或函致巴黎總公司定購亦無不可特此佈聞 西一千八百九十九年三月一號 光緒二十五年正月二十日 麥士施蘭打公司謹啟

司各脫滋補鰵魚肝油



此油潤肺除痰補益氣血又能殺除爛肺之蟲改換穢毒之血消解胃經之積滯舉凡身體瘦弱胃不消化肺經受病憂鬱癆傷房事色傷破金吐血癰癩頑瘡小兒肌肉不長筋骨軟弱等症皆能治之不論男女婦老少無病常服亦能壯旺精神充盈膚革此乃清補而不燥滋潤而不膩之聖藥也每日服三次每次服三錢至四錢小兒減半服食 英京司各脫乳白鰵魚肝油公司謹識

此係司各脫馳名乳白鰵魚肝油之標頭及其圖式其圖乃係一人背負大鰵魚一尾有此標誌乃為真貨 諸君賜顧請認明標誌庶不致誤特此佈聞

星嘉坡莫梁公司代理 發售

此係司各脫馳名正乳白鰵魚肝油之標頭及其圖式其圖乃係一人背負大鰵魚一尾有此標誌乃為真貨 諸君賜顧請認明標誌庶不致誤特此佈聞

大英一千八百九十九年二月二十一號
大清光緒廿五年正月十二日
代理發售處新嘉坡絲絲街得力門牌第一號慕娘公司 啟

納憐省不里奧德性命保險公司

啟者茲本協發公司股東鍾存欽現承納憐省不里奧德性命及火燭保險公司之命在於本坡代理該公司之年壽保險以及火燭保險等事該公司係於一千八百廿四年創設計集本資一百五十萬磅早已天下馳名 諸仕商有欲保其年壽以及火險者移駕臨本公司面商至於保費一切均與各家相同并無苛索特此佈聞

大英一千八百九十九年七月十號
協發公司鍾存欽謹啟

瑞典國雪車藍標 頂上庄原牛乳發客



啟者本庄所製牛乳悉選取上等原乳製成并不攪雜糖料且復不生蛆蚋此等牛乳係欲備小孩及病人服食蓋其功能健脾潤肺保精養顏所益甚多故其銷場日盛一日即此已可見其乳質之美蓋此等牛乳雖云製熟入乳而用之者性味與新乳無殊

諸君有欲取討貨辦及英京化學攷究師息利非所致之批評各報稱揚之說者向本行取討便得至可於附近各埠有與代理售賣此庄牛乳者可向本行相商其在本坡零購者可向新嘉坡藥房 利濟藥房 英國大藥房 冥那藥房及基俄雜貨店內採購便妥特此佈聞

西一千八百九十九年六月七號

獨理代售人墊邦路頭第八號門牌浮禮甫力下士富洋行謹啟

豐源


本號輪船往來各埠定期開列如左 在各埠往實日期

由麻六甲往芙蓉每逢禮拜二六日中午十一點鐘開行

由各埠回實叻之日

由麻六甲回芙蓉每逢禮拜二五日上午十點鐘開行

鐵廚



啟者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極為美善本坡所有西人齊智人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻而且異常堅固無論火燒盜劫均可無虞

貨美價廉莫此為甚倘各君有欲購此廚以收藏重寶者可至本行選閱此佈是幸

英一千八百九十八年正月十三號

至殺呼谷公司即前加珍麥洋行啟

在實叻往麻六甲每逢禮拜一五日下午四點鐘開行

由芙蓉往吉隆坡每逢禮拜二六日下午六點鐘開行

由吉隆坡回芙蓉每逢禮拜二四日下午四點鐘開行

由麻六甲回實叻每逢禮拜二五日下午四點鐘開行

正金鐘標萬蘭池酒發客

多惹士號頂上白漆發售

懷珍狀師代理荷蘭訟務告白
○啟者茲有荷蘭狀師懷珍君抵叻在於本坡創設寫字樓與人代理南洋荷蘭各地一切案件凡屬地諸君若有案件與荷蘭之人交涉者大而命盜訟案以至錢債虧逃一切轉轄諸事以及造字訂約等項均能代理蓋懷珍君與娘打字相水三寶龍 望加錫 巴東等處均有同伴分駐料理凡諸案件可以無庸本人親往實訊即將此案掛抄懷君自能無誤其力與娘打字相同諸君賜教請至末打厘路第六號號門牌相商可也特此佈聞
光緒二十五年二月廿五日 一三 集文齋林永達 李良辰同啟

啟者本行現由歐洲多惹士著名工廠寄到所製之頂上白漆發售此等漆料較諸各家所製之極品白漆未嘗稍遜荷蒙荷國家及素著聲望之製造家并本坡各船澳時常購用莫不盛稱其妙因其物料既精製作既善而價值復廉故也 諸君有欲購買大起者可至本號駐坡代理人巴智申西疊洋行選購如係購買零星者則至本坡中西各索路店均可 諸君光顧請認多惹士字號方不致誤特此佈聞
大英一千八百九十九年六月三號 巴智申西疊公司謹啟

頂上威實基酒

啟者本行現承歐洲赫赫著名酒廠之命為駐叻代理人售賣知知威實基酒 T. T. Whisky 此酒每箱十二枝計銀八元二角半 每桶十五牙蘭每牙蘭計銀三元五角 又有頂上舊庄葛智里勿蘭威實基酒 C. J. Blend Whisky 發售此酒每箱十二枝計銀九元七角半 以上兩項均係歐洲著名美酒氣味香醇濃而不燥且能消暑醒胃解渴除煩保養精神怡悅顏色在於南洋各地常飲此酒更屬相宜 諸君賜顧請移玉駕臨本公司選購可也特此佈告
大英一千八百九十九年六月三號 巴智申西疊公司謹啟

啟者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡 華商諸君有欲零沽者請至酒公司沽買便得如買成起以便配往外處者仍可至本行沽買至此



酒製之 法精妙異 常酒味甚 清以之蒸 釀者皆為 上等之料 保無偽充 之弊此酒 若在本坡 沽飲甚屬 合宜且價 亦甚廉 諸君沽用 須為留心 辨明以免 魚珠之混
前係專辦東坡祖家頂上美酒發售
標印明認

紅首冠仔標萬蘭池酒出售



Bisquit Dubouche & Co.
COGNAC

啟者本公司所製之紅冠仔首標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熟氣概已全消所以 諸君沽飲者均深獎譽現在歐洲一帶各國之人無不飲喜此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡大氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字為憑庶免為魚珠之混是所切盼
大英一千八百九十七年二月十二號 不殺呼答即前加珍麥洋行謹啟

多以前所有各票如無本行不殺呼答華字者即為假貨幸勿為之誤買本行有厚望焉
大英一千八百九十八年正月十三號 不殺呼答即前加珍麥洋行謹啟

英打電音

○本坡實得力太晤士西報接十三日英京來電云現據各路所傳信息觀之則英打兩國之議仍復與前無異并未有少為進境今兩國之事不過觀其能否言歸於好耳十四日來電又云打蘭士目拘總統近又思得新法但此法尚未通知英國至其所謂新法者則所有外國之人住居該境至五年之後即准其與本土人一律并無限制而議院之內所用外籍議員可至四分之一但須英國將其轄治該國之外權量為酌減云云夫拘總統所定諸法果於外籍之人有裨但其所謂英國減其轄制該國之外權恐英未必遂能如所請耳

瘋律准行

○前者歐洲大醫會內諸著名醫士曾經詳究瘋癲一症謂其不能傳染於人故歐洲於患風諸人頗無歧視之意迨至去年歐洲醫會復行會議又謂此症最易傳染於人必須與無病者分別而居方不至傳其毒種其說與前者諸名醫所究迥不相同故去年開本坡政府所立瘋癲律章現在已由英廷核准而理藩院大臣於西本年六月內經有公文到叻云該督等前者所請將瘋癲之人與無病者分別住居一事初則以為過虐今據醫會諸人議得此症果屬易於傳染故應准如所請即着按照新例而行等語然則此例已由英京批准諒不日即可舉行而瘋疾中人當又不免有一番變動矣

糖下遠界

○歐美富商常有畢生專為一途生理以至得名者如法之銀王美之土油王等其名譽實冠一時人皆以王稱之蓋其於此業中素稱巨擘非他人所能望其肩背故人以王相許此其權力之巨也可知今美國復有糖王出焉王向極雄財生平專為糖業美洲各處糖產已大半歸其掌握故其一收一放關係匪輕茲悉王復欲遠界以飛獵邊一坤現在既歸美轄因欲調撥孔方車一大隊以九府健將率之馳赴小呂宋一帶地方開墾遷之場以糖業而開商戰惟王雖定廟算猶未命將出師然岷江一帶糖業中人聞六服之將臨已無不關心巡聽矣

權力非常

○俄國政府新定政策不問何國船艦過蘇聯士運河者須懸有俄羅斯之國旗方許進口或云有謂此次俄政府不論屬何國之船艦不得懸掛俄羅斯國旗更不許編入俄國船籍兩說孰是俟後得詳細消息續錄

中國商務

○中國稅關上年進出口各數業經報要錄年中銀盤折數開平一兩約合二希林十本十又五分之捌按開原有冊報官商索由知其詳細現由洋報譯出於國課商務均有關係特為此表以供眾覽○一洋商務各貨價值 俱以開平兩數計 出進口貨價共三七零六五五三八 復運出口貨價值 九一六零零一三 統共貨價 三七九八一五五一 英國及英屬所估貨價 二二三九六零七三零 所餘各貨價 一四五八五四八二一 日本約四千三百四十七萬歐洲 除俄國 約三千五百三十三萬美國約二千九百十五萬俄國全境約千九百五十五萬其餘各國約千八百三十五萬有奇其計合所餘一萬四千五百八十五萬兩有奇○二各船鈔墩數 各通商口岸出進船隻 三四二二三三五八零 除中國各項船隻 八一八七五七二 其餘升外國旗各船隻 二六零四六零零八

升英國旗各船

二二二六五九六六 升他國旗各船 四七八零零四二 升開德國約一百六十八萬日本約一百五十七萬瑞典那威約四十四萬法國四十二萬美國二十四萬俄國約十八萬各國約二十五萬有奇計合所餘共四百七十八萬有奇○三運載商務 關平兩數俱 往來各口運載中外貨物 九七一八九九八零七 升中國旗船運載 三三四四二二九七零 升英國旗船運載 五零八二四一九二六 升各國旗船運載 一二九二三四九零一 內開德國五十二兆日 三三三兆兆法國十九兆瑞典那威十一兆俄國六兆美國四兆其餘各國七兆有奇○四領內地三聯單商務 俱關平兩數 領三聯單運進內地貨價 四二一五六二九二 中國自辦 一六零七一零九一 英國人辦 一七九六九五八 各國人辦 八一五六二二 內開美國四百五十萬德國約七十六萬法國七十四萬其餘各國二百一十一萬有奇○五稅關進項 俱關平兩數海關所有稅項共合 二二五零三三九七 中國自約五三一八零七零 英國人納 一二七二四一九一 各國人納 四四六一一三六 內開德國納二百零六萬日本七十五萬法國五十六萬俄國三十六萬瑞典那威二十六萬美國十九萬餘各國二十八萬有奇 凡香港與中國往來商務其貨均以英國論雖其中亦有他國貨物然無從稽查出產地方要其為英國貨已過半也查以上各表中國出進口貨英國佔六成運載貨物英船佔八成而其完納關稅英國亦佔七或四分故中英商務所關尤非淺鮮

九龍不靖

○香港信云去月十九號有數西人在九龍地方九龍土民見之即起將西人毆辱與之為難有華人為西人服役者欲助西人士人即還忽華人與之羣毆現土民鬧事頭目已經捉獲然該地甚不靖西人斷難居住云

分別報効

○現天津海關關約銀六七萬兩報効戶部開平礦務局則報効銀十萬兩惟聞戶部以海關報効之銀在十萬兩以內尚不一律收受也譯文滙報

東匪仍熾

○昨接山東專電言山東土匪滋亂毓撫台乘查勘河工之便急派將弁前往剿之而該匪出沒無常兵至即匿兵過復起甚為猖獗云

奏留革員

○沈仲禮觀察奉 旨革職業奉 上諭茲悉江督劉制軍劉督張制軍以洋務人材難得會同電奏請 旨寬免處分棄瑕錄用仍留江南當差

恩眷動臣 ○美國提督地威美廷准其穿額外禮服迥異乎人以視恩錫之隆而彰殊勳之偉按小呂宋西東盛地已久積習相沿兵械不利戰艦非新以美國軍士之雄船械之利西軍當之如螳臂耳非有惡戰也今美國以地威提督之加兵於小呂宋為倖續豐功圖國君臣視地威為莫大之勞恩之加有逾常格人心風俗未免涉於浮誇矣

新不敵舊 ○天津來信言京中守舊黨諸人近日又與維新黨為難知 皇太后與榮祿最要之事首在餉需故守舊黨人紛紛拜摺多至數百餘扣摺中所言皆指昔時 皇上 詔建學堂書院一切俱可裁撤以節費用庶幾能有益深宮云云各摺拜上果然香餌所施游魚入釣以致維新黨人僅此書院學堂區區而刻下恐將一律剷除云

事實子虛 ○日本報牙沙基云日前紛傳日本政府將前者在中國所獲之兵船交回中國此事實屬子虛蓋此議論係局外人所發緣鎮遠等炮船初以為損壞不堪用即修葺完好亦屬徒費資財不若送還中國以修和好豈不甚善後查知各船皆堅固又安肯入口復吐耶現時日本頭隊水師至快亦要一千四百零五年方能造妥故日本現雖有堅固炮船尚不敷用若將各船送回中國則非其時矣如將來欲敦友邦之誼則或送還中國亦未可知云

誌招商局 ○東歷七月二十三號鎮西日報云近日紛紛傳說有將中國招商局售于日本某富商計自上海、莊、天津等埠船碼頭商局暨輪船二十艘定價一千萬員情事該報從而論之曰此事果能成議雖係商辦亦我政府之福也蓋我之商人無不與政府連絡而痛癢相關者也唯恐其不成今一旦將中國之商局商船盡歸我有即中國之商權歸我掌握豈非坐受非常利益而又何疑之有哉按中國創辦招商局振興商務以塞漏卮洵為第一等有益之舉歷時已三十餘載自易總辦後規模一新歲有盈餘今若一旦而售之目前所得有限仍不足補國帑於萬一豈以地人物博之中國區區千萬員而必須籌之於售招商局者哉東報所載疑係子虛以俟續得確信再行譯登

嚴拿揭帖 ○新寧縣屬平塘地方近有匪徒大張匿名揭帖妄言法國天主堂馬教士不知法國派在新寧傳教并無馬教士其人及城中有等無賴沿途叫賣奉 旨毀拆教堂新聞然其口中所言如此紙上所刊則又非如此此等無業游民不知利害無非欲動人聽以賺取一文錢耳現為法國領事官所知將揭帖新聞二件照會督憲札行洋務局轉札南番兩縣會銜出示嚴禁矣近日聞教之案層見迭聞無非由於積漸此殆深防其微也

金礦善後 ○中俄境上庫倫地方以產黃金名從來該地方之華人及俄人厚賄官吏私相採取沙金年年獲利頗豐聞此次庫倫辦事大臣與烏里雅蘇臺將軍等商議定章杜遏營私而俄人之久從事於此者勢不可遽行禁止於是另行設法擬一定程額讓與利權中國政府已派員查勘情形矣

風波險惡 ○廿公加簿某黃梨廠月之十三日僱有閩人何遠之大船一隻代運黃梨膏一百七十箱值銀七百四十元欲附法國郵船寄往歐洲時鐘鳴九下忽爾暴風大作浪湧如山該大船把舵不住險與該輪船相碰卒被某中舡撞沉舟子二名經人撈獲送令回岸同時某洋行亦僱閩人林某大船二隻為載打嗎士欲附寄該輪亦被風浪捲沉其舟人四名俱經他船救回亦云幸矣近來海面時有暴風宜乎航海者時有戒心也

鼠踪難迹 ○潮人林亞送十四早到第一號捕房報稱在里答答厘律第三十五號門牌居住十三夜三點鐘夢中聽見樓上窗門聲响急起細看暗中見有一華人在此知余警覺彼由窗門跳下逃去諒係鼠竊惟不辨為何籍之人事後查檢衣箱已被撬破偷去金器銀項衫褲計值銀七十元零七角請為查緝云

府案詳臬 ○十四日巡理府提訊閩人尤益洲崇控伊弟尤廷發父名恒在一案據稱住新巴貳前街開設振協興號鹹魚店余弟將日清賬部改換又有失信等情請為查究云云原告請如經狀師主控被告請益謹狀師代訴府尊以案情重大判詳臬署核奪廷發覓人署保一千五百元在外候訊

府案錄登 ○十四日巡理府提訊第四百八十四號及二百三十一號暗牌華差控稱十三早十點鐘在十八溪墘巷內因見閩人吳友及紀雅二人所駛之大船船內有椰渣廿七何及石籐約有三担之譜余向之查問該貨為何人之物二人言語支吾知為盜匪立將二人執獲後查訪失主知該石籐係某洋行之貨椰渣則尚未知失主云云府尊判限二十日再訊候訪失主○工部局查屋總差文知老請票同三百六十號巡差往加籠路直落龜律地方拘獲閩人林乾據稱去月廿五日下午四點鐘查察林之草屋因為一言不合林欲行兇毆余云云被告請勝越狀師稱總差為國家之人小民不過與他辨論情理誤觸該差之怒小民守法之輩何敢行兇云云府尊從輕判罰林銀十元○手車夫閩人姚交控告同籍人蘇松亭供云十三日在丹戎巴葛路邊停車候客蘇僱余之車往牛車水游行各街議定工資六仙後回桃梓園前停車蘇只還給五仙余欲求添反被行兇毆打為此鳴捕拘之送案云云蘇所訴之詞多有不盡不實之處府憲判罰蘇有三罪一為行兇毆人罰銀十元一因短給車值加罰一仙補足六仙一為該手車夫兩天因訟不暇率車罰銀二元補姚示警只各一仙耗去洋銀十餘翼蘇亦知悔否耶○工部局修整水溝泥水吉密工人巴馬密眼控告潮人蔡亞永據供十三日上午十點鐘在大馬路操工見蔡盜取白沙一桶余因鳴捕拘

蔡送案云云據蔡訴稱余曾向該吉甯人討取此沙該吉甯工頭點頭允余始敢取去云云府尊判謂此沙乃是工部局之物工人烏能做主
念汝無知初犯罰銀五元○十四號英差特崇往娘嗎吉路第十號門牌烟館樓上查獲潮人蔡榮利蔡裕義李瑞第及黃金龍等四名因犯開
設番攤場聚賭府尊提訊一次限十九日再訊二祭及各署保一百元黃自保十元在外候訊○詔安人林水合控告福清人楊細妹及林四
興林廣供稱伊以車重為生十三夜十一點鐘停車在大禮拜堂酒店候客被楊偷去花籃一片楊亦車夫余與之理論反被楊呼同黨車夫二
林行兇毆打余鳴捕拘楊及二林送案府尊判罰被告三人銀各五元

籌餉奏稿 ○軍機大臣和碩親王等謹奏為遵 旨會議整頓關稅釐金鹽課三項以除積弊而得餉需恭摺仰祈 聖鑒事光緒
二十五年四月二十八日內閣奉 上諭從來練兵籌餉事即本屬相因近日朝廷整頓鹽務於籌餉一事尤在所當急各省關稅釐金鹽課等
項取之於民者歲有常經但使各督撫認真整頓裁汰陋規剔除中飽事事消滴歸公何患餉源不濟無如封疆大吏暗徇情面不能力祛因循
積習以致委員司巡人等窟穴其間種種侵蝕難以枚舉積弊至此若不認真革除日復一日將復何所底止著大學士軍機大臣六部九卿將
各省關稅釐金鹽課詳加查核應如何杜塞漏卮裨益餉項總期朝廷不加取於民而國用藉資挹注以維大局而濟時艱至各部院堂如有
洞悉各省情形實在可資整頓而不妨各抒所見用備採擇務須坐言即可起行不得以空文敷衍了事欽此臣等竊維 國家財賦之源目地
下而常稅則較前定額大有懸殊如著名之津海關江蘇關粵海關揚州等關缺分最優亦年復一年毫無起色且屆期滿該監督總以洋貨侵
佔常稅短收為詞督撫即以入告豈知津關歸稅務司經理關道不過司其大綱尚能諸事核實管收除在期若列星帛關雖自我操轉成蔽蔽
稽習相沿牢不可破而常關稅則大半有征有解所征貨物與釐卡畧同何以收數遠遜尤可異者正額既征不足數則餘亦收不如自而歷任
關道監督各員率多坐擁厚資其為肥已營私概可想見及就厘金而言其弊在於局卡太密委員過多不免虛糜薪水而弊之尤甚者則由於
司巡之得賄賄賣放局員之侵蝕分肥以及留難商貨收多報少捏造票根大頭小屋種種弊端不勝枚舉即間有數省嚴定比較之法亦似稍有
把握究之厘金短收不過停委記過其指名奏參勒限賠補者甚屬寥寥總局之於各卡固無不聲氣潛通督撫之於局員亦藉口不為已甚即
使經征各員勉顧考成亦莫不各留餘美縱比較無虧而利之入私囊者恐尚不少也又就鹽課而言私銷之弊由於私販而私販之名以為
放私之計其弊更無從究詰蓋奸商重包夾帶私梟結黨成羣尚可設法稽察派勇彈壓若私梟與巡丁互相勾通奸商恃劣弁為之包庇則厘
課偷漏將不可勝計而且場需買賣鹽斤各省均無定數鹽入商手尚須抽收鹽厘於是乎鹽商藉口成本過重稟明各口岸督銷委員隨時加
價獲利倍徙商力似可大紓何以民間既苦食鹽之價鹽商亦復疲困不支究竟除去厘稅若干其盈餘之項作何著落如緝私經費督銷局員
浮濫開銷漫無限制豈無可以裁減停撤之處以上三項弊端之大小不同前後在事各員亦賢否不等而所謂陋規中飽者積有歲年外而幾
視為應得之款 稿未完

印字館出投 ○啟者茲承按察司之命定於西本月廿三號禮拜三下午二點半鐘在本館內拍賣已故林光銓之古友世印字館及
其店底并館內所有之印字機器等其餘一切詳細章程可閱本館所派之單張便能知悉 諸君有合意者祈 屆期玉臨投買特此佈聞
西一千八百九十九年八月十七號 大清光緒廿五年七月十二日 吧越館主白

事經了結 ○啟者余於六月廿九日出有聲明告白附登叻報言陳文成將益和皮店生理收歇之事茲此事已由公眾調停即由
陳文成補回銀四百元交余陳國良收作爲了事彼此均已甘愿遵行用再刊報聲明以息爭端而清首尾特此奉告
光緒廿五年七月十二日 陳國良謹啟

醫道昌明 ○啟者余久患內傷痰火之症已閱年餘中外名醫延請甚眾迄無所效嗣聞源順街源成興號內 烏金鑑先生素精醫
學因延診治刀圭甫奏即獲神效治之匝月竟覺霍然神乎先生之技洵可謂三折其肱矣余受 先生之德無以為報爰囑數言附登報牘亦
聊以誌感荷弗緩之意云爾 光緒廿五年七月初二日 小坡豐隆號游錦理謹言

憲 大草欽命新嘉坡輔政使司 為招人投票事照得本國家現有工役欲招人入票承充為此示仰商民人等一體知悉汝等有欲承充是
役者可於西一千八百九十九年烏兀月二十三號即華七月十八日以前入票投交本署以憑選擇其所作之工

係在山我嶼建造土人病房一所
如欲知其詳細情形及圖式者除禮拜外每日由上午十點鐘起至下午四點鐘止均可至營造司署向其人才副查詢凡投票者其票外
必須寫明投交本署充當某項工程字樣並須向營造司署人才副取討印便之票照式填寫方能合用至於棄取之權任由國家裁奪各
宜踴躍慎毋觀望特示 大英一千八百九十九年八月十號 光緒廿五年七月初五日 示